

Universitätsbibliothek Paderborn

**R. P. D. Ioannis Ivsti Lanspergii, Natione Bavari, Illvminati
Ac Religiosissimi viri, Carthusiae Coloniensis ante annos
centum Vicarii, & Magistri Nouitiorum laudatissimi Opera**

In Qvinque Tomos Distributa, à mendis expurgata, veteri integritati
restituta, & indicibus locupletata

De Tempore

Landsberg, Johannes Justus

Coloniae Agrippinae, 1631

Exegesis Euangelij Iohan. XX:

[urn:nbn:de:hbz:466:1-47044](#)

IOAN. LANS. CARTHVS. SERMONES.

Porro, qui non credit, in Filium, ut Filius sit Dei Iesus, sua incredulitas mendacem facit (quantum ex se est) Patrem. Sequeatur enim ut si Pater mendacio attestatur perhibens testimonium Iesu, quod Dei sit Filius, Pater ipsi mendax efficitur. Atque ideo non credit in Filium, mendacem facit Pater (quem falsitatem putat testari) non credens testimonio, quod testificatus est Deus Pater de Filio suo. Et hoc est testimonium quod nos perhibemus Apostoli de Dei Filio, quoniam vitam aeternam dedit nobis Deus per ipsum. Quae vita aeterna est in Filio eius, hoc est, in cognitione, visione, & fructu ne Filii eius. Itaque qui habet Filium per fidem & charitatem, habet quoque vitam, quandoquidem haec est vita aeterna, ut cognoscant te verum Deum, & quem nesciunt Iesum Christum. Qui non habet Filium per fidem & dilectionem, non habet vitam quae a morte seruat, & cum Christo in sua immortalitate vivere facit.

EXEGESIS EUANGELII DOMINICÆ
in octauia Pascha. Ioannis XX.

Matth. 12.

Terræ.

Litanias cui
instituta
sunt.

Lucus 14.

Exod. 16.

CVM immortali adhuc corpore Dominus noster Iesus Christus suis adcesserit discipulis, consolatus est eos, atque in illis nos, dicens: Vbi do vel tres congregati sunt in nomine meo ibi in medio eorum sum. Hoc hodie ei, ut alias semper inuisibiliter, in specie visibili communiora. Siquidem apostolis congregatis haud dubium in nomine Domini, adfuit Iesus in meo, dicens: Pax vobis. Adeo autem constat semper firmè ac indubitate seruire suam promissionem Deum, ut patres nostri præces generales, Litanias & processiones instituerent multas, non aliam ob rem, nisi ut orantium simul multorum colligatur consensus, & quod fortasse vni (sunt enim multa quae singulares impediunt, ne exaudiantur orationes) negaretur, non possit negari multitudini. In multitudine namque non desperandum est esse multos, qui Dei sunt amici, & qui orantes repulsam non mereantur. Accedit quod vbi multitudo est adunata, persona figuratur Ecclesia, quæ in rebus licet & salutaribus non potest non exaudiri. Quamobrem dicunt eruditæ vesti in processionibus, (tametsi singularium hominum deuotio id non meretur) generalibus, vbi pro re precanda aut deprecanda multorum in unum coit consensus, celioriorem Deum apud fieri exauditionem. Nam multitudo in re licita conferante exaudiri meretur, tametsi separatim in illa paucissimi sint qui merentur exaudiri. Pari hic modo & multo magis electi Dñi discipuli adunati meruerunt à Domino visitari & consolari consolatione, quæ de eius resurrectione tractarent Apostoli, & Cleophe ac eius socij audirent narrationem. Stetit Iesus in medio eorum dicens: Pax vobis. Itaque videt Joannes Euangelista.

Cum sero esset die illo una sabbatorum, & fores essent clausæ vbi erant discipuli congregati propter metum iudeorum. In hoc Euangeliō Christi apparitiones narrantur duas: quarum altera in die Pascha sero ingruente nocte facta est, altera post octo dies, hoc scilicet die. Cum enim sero esset una sabbatorum, inter Paschalem solennitatem quæ per unam hebdomadæ durabat, cuius dies singuli erant festiui, & libera

bata dicebantur. Vna igitur sabbatorum, hoc est, altera die post magnum sabbatum, quod infra illam hebdomadam occurrebat, solennius propter hebdomadam Paschalem, reliquis sabbatis que singulis hebdomadibus occurunt per integrum annum. Vna igitur sabbatorum, hoc est, die Dominica, qua Dominus surrexerat, cum sero factum esset, & duo ex Emaus Luc 24.

discipuli redijssent, inuenientes vndeclim simul hic congregatos, narrantes quod Dominus surrexisset verè, apparuisseque Simon, narrarentur ipsi quoque quo modo sibi in specie peregrini apparuisse Dominus, & quomodo cum in fractione cognouissent panis: tunc subito stetit Iesus in medio eorum, qui fuerat clavis ianuis ingressus, & dicit eis: Pax vobis. Hoc enim idem Euangelium quod Ioannes hic scribit, Lucas quoque refert, & lectum est feria tercia proxima superiori. Verum cùm Lucas dicat congregatos vndeclim, Judas verò tunc abierit in locum suum, suspensusque creperit medius, quomodo fuerunt Apostolorum vndeclim (tempis alijs tara numerum Apostolorum præsentibus, scilicet Cleopha & socio eius, & pluribus ut creditur alijs) quando Ioannes Thomam hic narrat defuisse. Quis si defuit tunc, remanserunt tantum decem Apostoli. Dicendum Thomam quidem adfuisse inter vndeclim unum, quando Cleophas cum socio ex Emaus redierunt, & narrauerunt quæ sibi acciderant. Quijbus ramen Thomas non credens, nec alijs decem Apostolis de Simone narrantibus, exiuit, antequam Christus illis appareret. Aut fortasse melius dicitur, quod Lucas dicendo vndeclim, collegium voluit aut congregationem nominare Apostolorum, quod nomen collegij aut vniuersitatis nihilominus illis erat, tametsi unus aut alter abesse. Sicut apud Canonicos dicitur Capitulum congregatum: & apud monachos conuentus, & in Academij Vniuersitas, tametsi aliqui desint. Hoc modo Apostoli vocabantur vndeclim, non quod ita exacte fuerint tunc numerati, sed quia collegium eorum constabat ex vndeclim. Vult igitur dicere totum collegium simul fuisse Apostolorum, cùm dicit vndeclim, quamvis aliquis defuerit, quia maior pars sibi nominis vendicat integritatē. Cùm itaque sero factum esset vna sabbatum, & fores, scilicet domus essent clausæ in qua erant discipuli congregati propter metum Iudeorum. Metuebant discipuli, nondum confortati ex alto, eos, qui corpus poterant occidere, ideo clausos & absconditos, quantum poterant, se seruabant.

Venit Iesus & stetit in medio, & dixit eis: Pax vobis.

Stans Iesus in medio discipulorum, qui Dei mediator est & hominum, Tim. 2. tangui Magister, Pater, & Dominus omnium. Non autem immemor suorum est verborum, quibus Apostolis mandauerat: In quamunque domum Luc 10. intraveritus, primum ducite: Pax huc domui. Hoc modo ipse quoque ut facilius agnosceretur pacem illis optat. Voluit pariter illos suorum esse memoros Ioan. 14. verborum, que illis dum ad passionem esset iurus, dixit: Nempe, Pax ē mea vobis, pacem meam relinquo vobis. Sicut igitur abiens pacem eis commiserauit, pacemque dederat, ita rediens, loqui mox ut est exorsus, pacem eis optat. Etenim reuera pax bonum non mediocre Christianis omnibus appetendum. Matth. 5. Beati enim pacifici, quoniam filii Dei vocabuntur. Atque ideo Augustinus in Augustin. libro

VI

Pax bonum libro de ciuitate Dei, dicit: Tantum est pacis bonum, ut etiam in terrenis rebus atque corporalibus nihil gratius soleat audiri, nihil desiderabilius concupisci, nil melius inueniri, nil melius possideri. Cur bellum ab omnibus geritur, nisi ut pax habeatur? Hinc bestia sylvas repetunt, hinc volucres ad aera ad se sustollunt, pisces ad profunda maris se demergunt, reptilia in inferibus terrae se abscondunt, ut pacem habeant. Est autem quantum hincidere sufficit, in hac vita pax triplex, scilicet temporis, pectoris & aeternitatis. Temporis pax est, nullam sentire persecutionem, nullam molestiam, nullam perturbationem, & in omni tranquillitate constitui. Sic pacem habere in hac vita non bonum est signum. Timendum est enim haberi, ut aliquando mereatur audire, quod diues audiuit epulo: *Filius recipi bona vita tua.* Hanc pacem Christus nunc hic non solet dare amicis, nec ipse eam in hac vita habuit: Propterea enim dixit: *In mundo pressuram habebitis, simper secuti sunt, & vos persequentur.* Et cum Apostolis in ultimo dixisset sermone: *Pacem relinquo vobis, pacem meam do vobis,* mox subiunxit: *Non quoniam mundus dat ego do vobis,* Mundus enim temporalem optat & promittit pacem, hanc Christus non promittit. *Nenem inquit, pacem mittere, sed gladium.* Non igitur hac pace nos Christus salutar, ut quicquid a tribulatione & molestia habeamus, sed ut tribulationem & molestiam in quiete pectoris, in pacem cordis & animi tranquillitate sustineamus. Vult enim ut in omni perturbatione externa internam tranquillitatem & pacem cordis possideamus. Tertia est pax aeternitatis. De hoc scriptum est: *Dabo pacem in cordibus vestrum,* id est, in singulis viribus atque potentissimi anima. Dormietis, in iugis frumentorum sumimi & perfectissimi boni, & non erit qui exterreat. Itemque: *Sedabit populus meus in pulchritudine pacis & requie opulentia.* De hac pace Augustinus: Quis inquit non desideret hanc pacem, ubi amicus non exi, inimicus non intrat? nullus tentator, nullus ibi est seditionis nullus fatigans? Hoc paciuitatis est caelestis Hierusalem.

Et cum hoc dixisset, ostendit eis manus & latus. Gaudi sunt ergo discipuli viso Domino. Dixit ergo eis iterum: Pax vobis:

Lucus 24.

Lucus 23.

Ioan. 10.

Lucus 24.

Refert Lucas Dominum dixisse antequam ostenderet eis loca clauorum in manibus: *Pax vobis: ego sum, nolite timere.* Conterrati enim fuerant & conturbari, existimantes se spiritum videre, spiritum scilicet Iesum, quem in cruce emittens Patri commendauerat. Hunc putabat sibi apparere in specie aliqua corporali assumpta. Verum, dicit quis. Quomodo fuerunt conterrati, cum dicat Ioannes paulo post in hodierno Euangelio: Gaudi sunt discipuli viso Domino? Dicendum, ad apparitionem Christi subitam fuerunt conterrati, sed ubi eis ostendit manus & pedes, cicatrice scilicet vulnorum suorum gaudi sunt vehementer. Et quamvis dicat Lucas: Illis autem non credentes, sed pro gudio mirantibus, videatur q[uod] mirum quomodo non credentes gaudere potuerint, dicendum, id simul stare potuisse, ut ad presentiam Domini gaudi fuerint valde, nihilominus tamen non perfecte credentes, sed timuerint, ne fortasse Dominus non esset, qui appareret. Opribit maximus veram esse Christi resurrectionem, & verum suum magistrum, qui ap-

parebat, & ideo præ magno gaudio in hac spe veritatis simul timebant ne
vane gauderent, aut ante tēpus frustra exultarent, puta ne aliqua specie for-
tasse fallerentur. Sed obstat quod Petrus semel apparuit, qui huiusmodi amodo
non potuit. Ad quod dicendum, Petrus, etiā crederet, subito tamen, quia sero
erat, & in colloctioni mutua erant Apostoli occupati, fores in clausa, potuit
in principio obstupescere, videns foribus clausis apparitionem fieri, de qua
non suplicabatur. Potest etiam dici maiore partem Apostolorum exterrita-
tam, puta non plane credentes, licet aliqui timuerint præ desiderio Christi,
non esse solidum suum gaudium, sed falli (quod nolabant) se posse. Verum
itaque est eos primo exterritos, eosq; mox gaudentes, & imperfectè adhuc cre-
dentes timuisse ne Dōs non esset. Gaudij igitur magnitudo causa fuit timen-
di. Sic nobis quotidie contigit, ut ad quod maximè gaudemus & quod maxi-
mū optamus metuimus ne aut non sit, aut non eueniat, aut ne fallamur.
Illi autem sic constitutis, dicit eis iterum: Pax vobis. Et secundum Lucam.
Quid timidi estis, & cogitationes scilicet timidae, ascendunt in corda vestra?
Videte manus meas & pedes meos, quia ego ipse sum. Palpate & videte, quia
spiritus carnem & ossa non habet. Deinde ostendit eis manus & pedes. At ut
procul omnis abesset suspicio, ambiguitas & timor. Habetis, inquit, aliquid
quod manducetur, nullū signum indiciumve prætermitens, quo probaret
si uerum corpus habere, quod in cruce fuisse vulneratum, quod palpari pos-
suat tangi, licet posset & non tāgi, quod viueret & comederet. Quapropter
plenissime resurrectionis suę volens ostendere veritatem. Habetis, inquit, ali-
quid quod manducetur? At illi obtulerunt ei partem pīscis affī, & fauum
mellis. Et cūm manducasset coram eis verū & non fictū, ad ostendendam na-
turę veritatem, non quod post resurrectionem necessarius foret ciborum v-
sus. (Neq; enim propterea dicitur commēstio, quod cōuertat cibum in com-
mēstionem. Hac enim non est commēstio, sed effectus commēstionis. Absq; nem come-
ditur in hac conuersione seu incorporatione cibi in commēdētē, dicitur
vera commēstio, quæ post resurrectionem fuit in Christo. Cibum enim quē
comedit, conuertit in spiritualem, id est, in aēream materiam, seu vaporem)
Tunc aperuit illis sensum, inquit Lucas, ut intellegenter scripturas. Porro
Ioannes, Cūm iterum dixisset Christus: Pax vobis, adiungit Christum ad-
icisse: Sicut misit me viuens Pater, & ego mitto vos.

Sicut misit me Pater, & ego mitto vos. Hec cūm dixisset,
insufflavit, & dicit eis: Accipite Spiritum sanctum Quorum
remiseritis peccata, remittuntur eis: & quorum retinueritis,
terenta sunt.

Sicut misit me, inquit, viuēs Pater, & ego mitto vos. Ea charitate quæ ego
¶ Patre missus sum ad conuersionem mundi. (Sic enim Deus dilexit mundum,
n. Filium suum dare et vnguentum, ut omnis qui credit in illum, non pereat, sed habeat
vnam aeternam) mitto etiam vos ad prædicationem mundi q; conuersionem.
Sicut me Pater misit ad persecutions, ad pressuras & dolores sustinendos,
mitto vos quoque ad eadem ferenda. Quæ bona ego recepi à mundo, ioan. 17.
eadem vobis relinquo. Non est discipulus super magistrū. Si me persecuti sunt, &
mi persequuntur. Hoc cūm dixisset, insufflavit & dixit eis: Accipite Spi-
ritum

tum sanctum, indicans prædicationis officium quod commiserat illis ab
que Spiritus sancti gratia dignè neminem posse exequi. Non sunt tamen po-
tandi Apostoli Spiritum sanctum ante non habuisse, sed credendum Spir-
tum sanctum quem ante haberunt, nunc copiosius, hoc est, cum potiori-
bus pluribusque donis receperunt. Siquidem iam insufflando Christus di-
dit eis quoque potestatem ligandi atque soluendi. Porro in dia Pentecos-
terum dans illis Spiritu sanctum, dona adhuc sua auxit copiosius, ut scilicet
omnium linguis loquerentur, ut signa facerent, ut mortuos suscitarent,
& ut nihil pro Christi subeundum amore formidarent. Quorum remissio
peccata remittuntur eis, & quorum retinueritis id est, retinenda iudica-
ueritis, retenta sunt. Hoc etiam hodie sacerdotibus collatum est, si tamen
iuxta leges Ecclesie, & iuxta merita demeritave poenitentium aut ligant
soluant. Nam si suo motu arbitrio temere aliquid atque fieri debeat, faci-
tentauerint idque scienter, grauiter delinquunt, audientq; de se dici: In-
ficerunt animas quæ non moriuntur, & viuiscabant animas quæ non vi-
vunt. Videte quomodo suis hic Apostolis Christus autoritatem præfatis suis
potestatem dat, eos qui rei sunt in carcерem ponendi, indeque educendii
ta subditorum merita.

Thomas autem unus ex duodecim, qui dicitur Didymus, non erat cum eis, quando venit Iesus. Dixerunt ergo ei alijs discipuli: Vidimus Dominum. Ille autem dixit eis: Nisi video in manibus eius fixuram clauorum, & mittam digitum meum in locum clauorum, & mittam manum meam in latus eius, non credam.

Numerum recenset Apostolorum eo modo, quo tunc erat, antequam Do-
minus iuit ad patiendum: tunc enim duodenarius erat. Propterea enim di-
cit: Thomas autem unus ex duodecim, qui dicitur Dydimus (quod dubius
aut geminum esse volunt) non erat cum eis, quando venit Iesus. Audiri-
num Cleopha ac socio eius, mox discesserat. Quod absque diuina non est
factum dispensatione, ut per hoc daretur occasio, quo resurrectionis suæ vi-
ritas evidentius probaretur. Sed dicit quis: Vbi igitur Spiritum sanctum &
potestatem ligandi & soluendi Thomas accepit, si absens fuit? Dicendum,
post octo dies fuisse hoc à Domino suppletum in eo, quod alij acceperant Apo-
stoli. Dixerunt ergo illi alij discipuli, scilicet reuertenti: Vidimus Do-
minum. Ille autem non solum non credens, sed rem etiam impossibilem
scimus dixit: Nisi video in manibus eius fixuras clauorum, & mittam di-
gitum meum in locum clauorum, & mittam manum meam in latus eius,
non credam. Hec videtur dixisse, propterea quod ab Apostolis audierit,
Christum tenuisse fixuras & cicatrices vulnerum. Haudquaquam Apo-
stolus ille spernendas est, propterea quod præcereris Apostolis ad credendum
tardior fuerit. Multo enim magis profuit nobis illius ad credendum tardia-
tas, quam Magdalene velocitas. Ipse enim egit, ut multa, in quibus nos po-
tuimus dubitare, ambiguitates elucidarentur nobis. Quamobrem non ex du-

Aflor. 1.

Ezech. 11.

Gregor.

duritia aut fidei modicitate hoc illi accidit, sed ut dixi, per dispensationem. Ioan.1.10.
Nam cum Dominus Hierusalem redire vellat, ubi paulo ante illum lapida-
re voluerant dicens: *Eamus in Iudeam iterum*, dixisse ille solus legitur, simi- Ioan.11.
liter præ ceteris: *Eamus & nos, & moriamur cum illo*. Quod reuera verbum non
parva fidei ac deuotionis fuit.

Et post dies octo iterum erant discipuli eius intus, & Thom-
as cum eis. Venit Iesus ianuis clausis, & stetit in medio, &
dixit eis: Pax vobis. Deinde dicit Thomæ: Infer digitum tu-
um huc, & vide manus meas, & adfer manum tuam, & mitte
in latus meum, & noli esse incredulus, sed fidelis. Respondit
Thomas & dixit ei: Dominus meus, & Deus meus. Dicit ei
Iesus: Quia vidisti me Thoma, credidisti. Beati qui non vide-
rant, & crediderunt.

Et post dies octo, id est, octauo die, iterum erant discipuli eius intus, &
Thomas cum eis. Venit Iesus ianuis clausis, & stetit in medio discipulorum,
& dicit eis: Pax vobis. Deinde dicit Thomæ (propter hunc enim solum ne
num amitteret, venit.) Infer digitum tuum huc, scilicet in locum clau-
rum, & vide manus meas clavis perforatas: & adfer manum tuam, ponens
in latus meum, & noli esse incredulus, sed fidelis. Quasi dicat. Quia dixisti.
Nisi mea vulnera tangeres, te non crediturum. Vide quid quantumque fa-
cias Dominus clementissimus Saluator noster pro vna anima, quam saluet.
Respondit Thomas & dixit ei: Dominus meus, & Deus meus, scilicet tu es.
Dicit ei Iesus: Quia vidisti me Thoma, credidisti. Vidisti hominem & cre-
didi Deum. Beati qui non viderunt & crediderunt. In hoc posteriorum
fides commendatur, qui non viderunt Christum in carne, sed ex aliorum
prædicatione cognoverant.

Multa quidem & alia signa fecit Iesus in conspectu discipu-
lorum suorum, quæ non sunt scripta in libro hoc. Hec au-
tem scripta sunt, vt credatis, quia Iesus est Christus Filius Dei,
& vt credentes vitam habeatis in nomine eius.

Non omnia Ioannes que egit Dominus Iesus signa aut miracula scripsisse
se faciunt, aut alios Euangelistas. Multa enim plura, quam scripta sunt, acta
sunt. Vbi & hoc est aduertendum, si signa & mira Christi opera non om-
nia scripta sunt, quanto minus scripta sunt eius omnia verba eruditioria?
que certè mensuram excederent voluminis, si eadem scripta omnia forent.
Hec autem, inquit, scripta sunt, hoc est, tota scripta sunt, quo sufficerent ad Augustin.
probandum Dominum Iesum verum esse Christum & Dei Filium, & ad fi-
dei opus effectoriationem, vt credatis, quia Iesus est Filius Dei. Et vt cre-
dentes vitam habeatis, scilicet æternam, quæ sola vera est vita, in nomine
eius. Quod d' ipse nobis largiatur Iesus Christus in secula benedictus, Amen.